

---

**CYD-BWYLLGOR GwE**  
**27.1.16**

---

**Yn bresennol:** Y Cyng. Eryl Williams (Cadeirydd)  
Y Cyng. Michael Williams (Is-gadeirydd)

Y Cyngorwyr: Chris Bithell, Wyn Ellis Jones a Gareth Thomas.

**Aelodau Cyfetholedig heb bleidlais:** Annwen Morgan (Cynrychiolydd Ysgolion Uwchradd) a Rita Price (Esgobaeth Wrecsam).

**Swyddogion Heb bleidlais:** Ian Budd (Cyfarwyddwr Arweiniol - Cadeirydd y Bwrdd Rheoli (Cyngor Sir y Fflint)), John Davies (Cyngor Bwrdeistref Sirol Wrecsam), Karen Evans (Cyngor Sir Dinbych), Delyth Molyneux (Cyngor Ynys Môn), R. Ellis Owen (Cyngor Bwrdeistrefol Sirol Conwy) ac Arwyn Thomas (Cyngor Gwynedd).

**Hefyd yn Bresennol:** Huw Foster Evans (Rheolwr Gyfarwyddwr GwE), Rhys Howard Hughes (Cyfarwyddwr Cynorthwyol (Cefnogaeth a Broceru) GwE), Susan Owen Jones (Rheolwr Busnes a Chyllid GwE), Alwyn Jones (Cyfarwyddwr Cynorthwyol (Safonau) GwE), Geraint Rees (Cynrychiolydd Llywodraeth Cymru), Iwan Evans (Rheolwr Gwasanaeth Cyfreithiol yr Awdurdod Lletyol – Cyngor Gwynedd), Hefin Owen (Rheolwr Cyllid yr Awdurdod Lletyol – Cyngor Gwynedd) a Bethan Adams (Swyddog Cefnogi Aelodau'r Awdurdod Lletyol - Cyngor Gwynedd)

**Ymddiheuriadau:** Dafydd Edwards (Pennaeth Cyllid yr Awdurdod Lletyol – Cyngor Gwynedd), Alison Fisher (Cynrychiolydd Llywodraethwyr) a Jonathan Morgan (Cynrychiolydd Ysgolion Arbennig).

**1. DATGAN BUDDIANT PERSONOL**

Ni dderbyniwyd datganiad o fuddiant personol gan unrhyw aelod oedd yn bresennol.

**2. COFNODION**

Llofnododd y Cadeirydd gofnodion o'r pwyllgor hwn a gynhaliwyd ar 12 Tachwedd 2015, fel rhai cywir.

**3. SAFONI A CHYMEDROLI CLWSTWR CA2 A 3**

Cyflwynodd Rheolwr Gyfarwyddwr GwE adroddiad a oedd yn manylu ar drefniadau safoni a chymedroli rhanbarthol a chenedlaethol ar gyfer dilysu asesiadau athrawon yn niwedd cyfnod allweddol 2 a 3.

Yn ystod y drafodaeth ddilynol, amlygwyd y prif bwyntiau canlynol:

- Ei fod yn hawdd anghofio disgyblion na all gyrraedd y meincnod ac felly dylid asesu cynnydd disgybl ers y cyfnod sylfaen;
- Mewn ymateb i gwestiwn gan aelod, nododd Cyfarwyddwr Cynorthwyol (Safonau) GwE bod Dafydd Rhys, Ymgynghorydd Her GwE wedi cysylltu efo'r 6% o arweinwyr asesu CA2 a CA3 na fynychodd sesiwn gwybodaeth;
- Yn dilyn y gwaith y gobeithir y bydd gwell dealltwriaeth cenedlaethol gan olygu gwella dibynadwyedd a chysondeb asesiadau athrawon;
- Ei fod yn anodd nodi amser penodol o ran cymharu yn deg yn genedlaethol.

**PENDERFYNWYD derbyn a nodi'r adroddiad.**

#### **4. YMCHWILIO I'R DREFN GOSOD TARGEDAU, TRACIO CYNNYDD AC YMYRRAETH**

Cyflwynodd Rheolwr Gyfarwyddwr GwE adroddiad a oedd yn darparu gwybodaeth ar ganfyddiadau ymchwil i'r drefn gosod targedau, tracio cynnydd ac ymyrraeth yn deillio o wahaniaeth arwyddocaol rhwng targedau/amcangyfrifon terfynol a gwir berfformiad 2015 CA4 mewn nifer o ysgolion y rhanbarth.

Tynnwyd sylw at yr argymhellion yn deillio o'r ymchwil ar gyfer GwE, awdurdodau lleol ac ysgolion. Nodwyd y cyflwynir yr adroddiad mewn cynhadledd ranbarthol ar 12 Chwefror.

Mewn ymateb i gwestiwn gan aelod parthed yr argymhelliad i GwE/Awdurdodau Lleol sefydlu gweithgor o arweinwyr ysgolion ac arbenigwyr technegol er mwyn llunio system generig i dracio'r dangosyddion newydd, nododd Cyfarwyddwr Cynorthwyol (Safonau) GwE y cyd-weithir efo SIMS i greu system gyffredin ar gyfer y rhanbarth gyfan. Nododd yr aelod yr angen i weithredu ar fyrder o ystyried bod y dechnoleg yn bodoli'n barod er sicrhau cysondeb ar draws y rhanbarth.

Cyfeiriodd aelodau at effaith absenoldebau staff a prinder argaeledd athrawon llanw / wrth gefn ym Mathemateg a Saesneg ar berfformiad rhai ysgolion. Nododd Rheolwr Gyfarwyddwr GwE yr edrychir ar sefydlu ymgyrch recriwtio cenedlaethol i geisio denu athrawon i weithio yng Nghymru.

**PENDERFYNWYD derbyn a nodi'r adroddiad.**

#### **5. CYFNOD ALLWEDDOL 4 LEFEL 2+ - CYNNYDD TUAG AT DARGEDAU 2016**

Cyflwynodd Rheolwr Gyfarwyddwr GwE adroddiad a oedd yn manylu ar y cynnydd tuag at dargedau 2016 CA4 Lefel 2+ fesul Awdurdod Lleol. Nodwyd bod camau wedi eu cymryd i adrodd yn gyson a byddai casgliad canolog o ddata cynnydd yn cymryd lle diwedd Chwefror a diwedd Ebrill 2016.

Nododd Karen Evans (Cyngor Sir Ddinbych), yr angen i nodi'n eglur mai targedau'r ysgolion a nodir yn y tabl 'Tymor yr Hydref: Targedau a Rhagfynegiadau Cyfanredol Ysgolion 2016' ac nid rhai a osodir gan yr Awdurdod Lleol. Ychwanegodd bod cadernid targedau ysgolion yn amrywio.

Nododd Rheolwr Gyfarwyddwr GwE yr heriwyd targedau rhai ysgolion ymhellach i'r her cychwynnol gyda'r targedau wedi eu mireinio o ganlyniad i'r ymyrraeth.

Mewn ymateb i sylwadau gan aelodau parthed sicrwydd y gwelir gwellhad yng nghanlyniadau Haf 2016, nododd Ian Budd (Cyfarwyddwr Arweiniol - Cadeirydd y Bwrdd Rheoli (Cyngor Sir y Fflint)) bod y materion a oedd angen sylw wedi eu hadnabod a chynllun gweithredu mewn lle felly ei fod yn obeithiol y bydd y canlyniadau yn well. Ategodd John Davies (Cyngor Bwrdeistref Sirol Wrecsam), y sylwadau gan nodi mai canlyniadau'r arholiadau a fyddai'n rhoi cadarnhad pendant ond ei fod yn ffyddiog y byddai'r canlyniadau yn well.

Amlygwyd pryder bod ystadegau yn cael eu casglu mewn ffyrdd gwahanol ar draws Cymru.

**PENDERFYNWYD derbyn a nodi'r adroddiad.**

#### **6. RHAGLEN DATBLYGU ARWEINYDDIAETH**

Derbyniwyd cyflwyniad gan Gyfarwyddwr Cynorthwyol (Cefnogaeth a Broceru) GwE ar y rhaglen datblygu arweinyddiaeth.

Rhodddwyd cyfle i'r aelodau ofyn cwestiynau ac ymatebwyd iddynt fel a ganlyn:

- Bod proses ymgeisio i gymryd rhan yn y Rhaglen Datblygu Arweinwyr;
- Bod 102 o arweinwyr canol wedi cymryd rhan yn y Rhaglen Datblygu Arweinwyr Canol;
- Bod swyddog cymeradwyo yn yr Awdurdod Lleol i wirio bod unigolyn yn barod i geisio am y Cymhwyster Proffesiynol Cenedlaethol ar gyfer Prifathrawiaeth (CPCP);
- Bod 47 unigolyn wedi eu cymeradwyo i geisio am y CPCP yn 2016 ond bod cyllid gan Lywodraeth Cymru ond yn ddigonol ar gyfer 41 unigolyn;
- Bod derbyn y cymhwyster CPCP yn golygu bod unigolyn yn addas i weithio fel Pennaeth mewn unrhyw ysgol yng Nghymru, gan gynnwys Ysgolion Eglwysig;
- Bod yr ymrwymiad angenrheidiol yn gallu arwain at anhawster i gael Penaethiaid o'r sectorau Uwchradd ac Arbennig i weithredu fel panelwyr yn y Ganolfan Asesu.

Cyhoeddwyd y cynhelir cynhadledd i oddeutu 1,400 o athrawon am 5.00pm, 12 Chwefror 2016 yn Venue Cymru, Llandudno lle rhoddir cyflwyniad gan Syr John Jones. Estynnwyd gwahoddiad i'r aelodau.

## **7. RHWYDWAITH CYFRWNG CYMRAEG AC ADEILADU CYNHWYSEDD**

Cyflwynodd Arwyn Thomas (Cyngor Gwynedd) adroddiad a oedd yn rhoi diweddariad ar weithgarwch a deilliannau'r Rhwydwaith Cyfrwng Cymraeg ac Adeiladu Cynhwysedd. Adroddwyd yn dilyn adroddiadau cadarnhaol am lwyddiant y Siarter Iaith yng Ngwynedd derbyniwyd cais gan Lywodraeth Cymru i ddefnyddio arbenigedd ac arferion da Gwynedd er mwyn ymestyn y prosiect i ardaloedd eraill yng Nghymru.

Nodwyd y cynhaliwyd cynhadledd lwyddiannus i lansio'r Siarter Iaith yn rhanbarthol ar 22 Ionawr 2016. Tynnwyd sylw at gynllun gweithredu ehangu'r Siarter ar draws y rhanbarth.

Nododd Geraint Rees (Cynrychiolydd Llywodraeth Cymru) ei fod yn llongyfarch y rhwydwaith ar ei waith ar draws y rhanbarth ac y gallai ardaloedd eraill elwa o'r arfer da.

Nodwyd sylwadau cadarnhaol o ran y cyd-weithio a nodwyd bod brwdfrydedd i wneud y Siarter yn llwyddiannus ar draws y rhanbarth.

Mewn ymateb i sylw gan aelod, nododd Arwyn Thomas (Cyngor Gwynedd) y byddai'n trefnu i'r aelodau dderbyn y papurau a gyflwynwyd yn y gynhadledd ynghyd â gwerthusiad o'r diwrnod.

## **8. CYNLLUN BUSNES 2015-18: ADRODDIAD MONITRO**

Cyflwynodd Rheolwr Gyfarwyddwr GwE adroddiad monitro cynnydd ar Gynllun Busnes 2015-18.

Nododd Arwyn Thomas (Cyngor Gwynedd) yr angen i sicrhau bod yr hyn a nodir o dan 'Penawdau/Lliniaru' yn y dangosfwrdd monitro yn cyfarch y cerrig milltir.

**PENDERFYNWYD derbyn a nodi'r adroddiad.**

## **9. TREFNIADAU AROLYGIADAU CONSORTIWM RHANBARTHOL ESTYN (EBRILL 2016)**

Cyflwynodd Rheolwr Gyfarwyddwr GwE adroddiad yng nghyswllt trefniadau arolygiadau Estyn o'r consortia rhanbarthol, gan nodi y byddai arolwg GwE yn cael ei gynnal yn ystod y cyfnod 18 – 29 Ebrill 2016. Nodwyd y cynhelir arolygiad dilynol ymhen oddeutu 12 mis i edrych ar y cynnydd yn erbyn yr argymhellion.

Adroddwyd y byddai arolygwyr Estyn yn cyfarfod ag aelodau'r Cyd-bwyllgor yn ystod yr wythnos yn cychwyn 25 Ebrill 2016.

Mewn ymateb i ymholiad parthed capasiti Estyn i gynnal y cyfweiliadau yn yr Iaith Gymraeg, nododd Rheolwr Gyfarwyddwr GwE y byddai'n cysylltu efo arweinwyr Estyn i dderbyn cadarnhad.

**PENDERFYNWYD** derbyn a nodi'r adroddiad.

Dechreuodd y cyfarfod am 1.30 p.m. a daeth i ben am 3.50 p.m.

---

**CADEIRYDD**